

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), člana 19. stav (6) i člana 141. stav (7) tačka a) Zakona o strancima („Službeni glasnik BiH“, broj 88/15), Vijeće ministara Bosne i Hercegovine, na 5. sjednici održanoj 21. maja 2020. godine, donijelo je

ODLUKU

O DOPUNAMA ODLUKE O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU

Član 1.

U Odluci o propisivanju dodatnih uslova za ulazak stranaca u Bosnu i Hercegovinu („Službeni glasnik BiH“, br. 18/20, 20/20 i 27/20) u članu 2. stav (5) u tački c) iza interpunkcijskog znaka zarez dodaju se riječi koje glase:

„odnosno dnevne migrante državljanke susjednih država u kojim imaju prebivalište, a koji su zaposleni u Bosni i Hercegovini i svakodnevno dolaze na rad u Bosnu i Hercegovinu i vraćaju se u matičnu državu, pod uslovom da posjeduju dokument izdat od poslodavca u Bosni i Hercegovini o potrebi radnog angažovanja.“

U tački k) iza interpunkcijskog znaka tačka, dodaje se nova rečenica koja glasi:

„Za svaki pojedinačni slučaj Ministarstvo sigurnosti Bosne i Hercegovine kao ovlašteni predlagač će pripremiti materijal za razmatranje na sjednici Vijeća ministara Bosne i Hercegovine uz odgovarajući prijedlog odluke, isključivo na prethodni zahtjev Ministarstva vanjskih poslova Bosne i Hercegovine.“

Iza tačke l) dodaju se nove tač. m) i n) koje glase:

„m) strance članove uže porodice (bračni partner, roditelji, djeca, braća i sestre) umrle osobe, koji radi prisustva ukopu umrle osobe mogu boraviti u Bosni i Hercegovini najviše 72 sata od trenutka ulaska u Bosnu i Hercegovinu, ne računajući eventualni period izolacije, pod uslovom da posjeduju dokaze o smrti i srodstvu sa umrlom osobom,

n) stranca koji u Bosnu i Hercegovinu ulazi zbog poslovnih obaveza, pod uslovom da posjeduje pozivno pismo pravnog lica iz Bosne i Hercegovine koje ga angažuje u Bosni i Hercegovini i posjeduje potvrdu o negativnosti testa na virus SARS-CoV-2 ovlaštene laboratorije, ne starije od 48 časova od trenutka ulaska“.

Iza člana 2. dodaje se novi član 2a. koji glasi:

„Član 2a.

(Ulazak državljana Bosne i Hercegovine koji imaju dvojno državljanstvo)

Odredbе o zabrani ulaska iz člana 2. ove Odluke ne primjenjuju se na državljane Bosne i Hercegovine koji imaju dvojno državljanstvo te isti mogu ući na teritorij Bosne i Hercegovine sa ličnom kartom izdanom od strane nadležnog tijela Bosne i Hercegovine, bez obzira na način ulaska u drugu državu iz koje se vraćaju.“

Član 2.

Ova Odluka stupa na snagu danom donošenja i objavljuje se u „Službenom glasniku BiH“.

VM broj 58 /20

21. maj 2020. godine

Sarajevo



Predsjedavajući

Vijeća ministara BiH

Dr. Zoran Tegeltija

Zoran Tegeltija

[Handwritten signatures]